

# **Loharanon-kevitra ao Amin'ny Tari-dalana ho An'ny Fiainantsika sy ny Fanompoana**

## **2-8 MEY**

**HARENA AVY AO AMIN'NY TENIN'ANDRI-  
AMANITRA | 1 SAMOELA 27-29**

**“Ny Tetik’ady Narahin’i Davida”**

**it “Akisy” § 2**

**Akisy**

Indroa i Davida no nialokaloka tany amin’ i Akisy Mpanjaka, tamin’izy nandositra an’i Saoly. Nody adala izy tamin’ny voalohany, satria nahiahina ho fahavalano. Tsy nosamborin’i Akisy àry izy, satria noheveriny ho olona adadalala ka tsy natahorany. (1Sa 21:10-15; Sl 34:t.m.; 56:t.m.) Niaraka tamin’ny miaramila 600 mbamin’ny fianakavian’ireo kosa i Davida, tamin’izy tonga fanindroany tany. Nomen’ i Akisy azy ireo àry i Zikлага mba honenany. Nihevitra i Akisy fa nanafika tanàna jodianina izy ireo, nandritra ny herintaona sy efa-bolana nipetrahan’izy ireo tany. Ny Gesorita sy ny Girzita ary ny Amalekita anefa no norobain’i Davida. (1Sa 27:1-12) Natoky tanteraka an’i Davida i Akisy ka nataony mpiaro azy izy, rehefa niomana hanafika an’i Saoly Mpanjaka ny Filistinina. Efa handeha hiady mihitsy izy ireo no nandefa an’i Davida sy ny miaramilany hiverina tany Zikлага i Akisy, rehefa noteren’ireo “andriana mpiray dinan’ny” Filistinina. (1Sa 28:2; 29:1-11) Toa tsy novonoina i Akisy rehefa lasa mpanjaka sy niady tamin’i Gata i Davida. Mbola velona izy tamin’ny andron’i Solomona Mpanjaka.—1Mp 2:39-41; jereo GATA.

**w21.03 4 § 8**

**Ry Rahalahy Tanora, Inona no Hanampy  
Anareo ho Mendri-pitokisana?**

<sup>8</sup> Nisy olana hafa koa nahazo an’i Davida. Rehefa avy nohosorana ho mpanjaka izy, dia mbola nila niandry aman-taonany vao nano-

mboka nanjaka tao Joda. (1 Sam. 16:13; 2 Sam. 2:3, 4) Inona no nanampy azy hiandry? Nifantoka tamin’izay azony natao izy, fa tsy tamin’ny zavatra nahakivy azy. Nana-raraotra niady tamin’ny fahavalon’ny Israely, ohatra, izy rehefa nandositra tany amin’ny tanin’ny Filistinina. Niaro ny sisin-tanin’i Joda izy rehefa nanao an’izany.—1 Sam. 27:1-12.

**it “Lainga” § 7**

**Lainga**

Misy olona minia mandainga mba hahavoa ny hafa. Voarara mazava ao amin’ny Baiboly izany. Tsy midika anefa izany hoe tsy maintsy milaza ny marina amin’izay olona tsy tokony hahalala izany isika. Hoy i Jesosy Kristy: “Aza omena ny alika ny zava-masina, ary aza atsipy eo anoloan’ny kisoa ny perla any aminareo sao hohitsaksitsahiny, dia hifotitra aminareo izy ka hamiravira anareo.” (Mt 7:6) Izany no nahatonga an’i Jesosy tsy hilaza ny zava-drehetra na tsy hamaly mivantana fanontaniana sasany indraindray, raha nety ho nisy vokadratsiny izany. (Mt 15:1-6; 21:23-27; Jn 7:3-10) Nanao toy izany tamin’ny olona tsy nanompo an’i Jehovah koa i Abrahama, Isaka, Rahaba, ary Elisa. Nataon’izy ireo mantsy izay hahadiso hevitra an’ireny olona ireny, na tsy nolazainy tamin’izy ireny ny marina rehetra.—Ge 12:10-19; toko 20; 26:1-10; Js 2:1-6; Jk 2:25; 2Mp 6:11-23.

**Vatosoa Ara-panahy**

**w10 1/1 20 § 4-5**

**Afaka Mitahy ny Velona ve ny Maty?**

Diniho tsara ange e! Milaza ny Baiboly fa “miverina amin’ny tany nakana azy” ny olona rehefa maty, ary “foana ny eritreriny.” (Salamo 146:4) Samy nahalala koa i Saoly sy

Samoela fa tsy tian'Andriamanitra hanatona mpamoha angatra ny mpanompony. Efa nandringana an'ireo mpamoha angatra teo amin'ny taniny mihitsy aza i Saoly taloha.—Levitikosy 19:31.

Eritrereto àry izao: Raha lasa fanahy toko i Samoela mpaminany, handika ny lalàn' Andriamanitra ve izy, ka hanaiky hantsoin ny mpamoha angatra mba hihaona amin'i Saoly? Efa tsy nety niresaka tamin'i Saoly koa i Jehovah. Izy ve dia hanaiky hoteren' ny mpamoha angatra haniraka an'i Samoela hiresaka amin'i Saoly, nefà izy no Andriamanitra Mahery Indrindra? Tsia. Tsy i Samoela mpaminany àry ilay angatra niseho, fa demonia. Nisandoka ho Samoela fotsiny izy io.

## 9-15 MEY

### HARENA AVY AO AMIN'NY TENIN'ANDRIAMANITRA | 1 SAMOELA 30-31

#### "Miantehera Amin'i Jehovah Andriamanitrao dia Hahazo Hery Ianao"

##### w06 1/8 28 § 12

Matahora An'i Jehovah dia ho Sambatra ianao!

<sup>12</sup> Tsy vitan'ny hoe nisakana an'i Davida tsy hanao ratsy ny tahotra an'i Jehovah. Nampahery azy koa izany, mba handraisany fanapahan-kevitra hentitra sy amim-paendrena rehefa tojo zava-tsarotra. Nandositra an'i Saoly tany Zikлага, tanànan'ny Filistinina, i Davida sy ny namany, nandritra ny herintaona sy efa-bolana. (1 Samoela 27: 5-7) Indray mandeha, dia notafihin'ny jiolahy amalekita ilay tanàna, rehefa tsy tao ny lehilahy rehetra. Nodorany izy io, ary nentiny ho babo avokoa ny zaza amam-behivavy, mbamin'ny biby fiompy. Nitomany i Davida sy ireo lehilahy niaraka taminy, rehefa tafa-

verina ka nahita izany. Vetivety anefa dia nivadika ho hatezerana ny alahelon'ireo lehilahy, ka nitady hitora-bato an'i Davida izy ireo. Nalahelo i Davida tamin'izay, nefà tsy namoy fo. (Ohabolana 24:10) Nitady fanaampiana tamin'i Jehovah izy satria natahotra azy. "Nampahery ny tenany tamin'i Jehovah" izy. Tratran'i Davida sy ny namany ireo Amalekita, noho ny fanampian'Andriamanitra, ary azo indray izay rehetra voababo.—1 Samoela 30:1-20.

##### w12 15/4 30 § 14

#### Arovan'i Jehovah Isika mba ho Voavonjy

<sup>14</sup> Niatrika olana maro nampahory azy i Davida. (1 Sam. 30:3-6) Asehon'ny Baiboly fa takatr'i Jehovah ny fihetseham-pony, tamin' ireny fotoana ireny. (**Vakio ny Salamo 34:18; 56:8.**) Fantatr'i Jehovah tsara koa ny fihetseham-pontsika. Mampahery antsika ny mahalala hoe fantany rehefa "torotoro fo" isika, na "ketraka." Nampahery an'i Davida izany, araka ny teniny hoe: "Hifaly sy hiravoravo aho noho ny hatsaram-panahinao feno fitiavana, satria mahita ny fijaliako ianao. Mahalala ny fahorianana manjo ahy ianao." (Sal. 31:7) Tsy hoe mahita ny fijalantsika fotsiny anefa i Jehovah, fa mampahery antsika koa. Fomba iray anaovany izany ny favoriana.

#### Vatosoa Ara-panahy

##### w05 15/3 24 § 9

Hevitra Misongadina ao Amin'ny Bokin'ny Samoela Voalohany

**30:23, 24.** Miorina amin'ny Nomery 31:27 io fanapahan-kevitra io, ary mampiseho fa tena ankasitrahani'i Jehovah ireo manampy eo anivon'ny fiangonana. Koa na inona na inona ataontsika, dia aoka 'hataontsika amin'ny fo manontolo toy ny ho an'i Jehovah, fa tsy ho an'olona.'—Kolosianina 3:23.

## 16-22 MEY

### HARENA AVY AO AMIN'NY TENIN'ANDRIAMANITRA | 2 SAMOELA 1-3

**"Inona no lanarantsika avy Amin'ilay Hira hoe 'Ilay Tsipika'?"**

w00 15/6 13 § 9

**Hajao Ireo Nomena Fahefana**

<sup>9</sup> Ory ve i Davida rehefa nentina tamin'ny fomba ratsy? "Olon-dozabe no mitady ny aiko", hoy ny fitarainan'i Davida tamin'i Jehovah. (Salamo 54:3). Namboraka ny tao am-pony tamin'i Jehovah izy, tamin'ny filazana hoe: "Afaho amin'ny fahavaloko aho, Andriamanitro ô; (...) miangona hanohitra ahy ny mahery, nefo tsy fahadisoako ary tsy fahotako, Jehovah ô. Tsy heloko no ihazakahany sy iomanany, koa mifohaza hitsena ahy, ka jereo." (Salamo 59:1-4). Efa mba nana fihetseham-po mitovy amin'izany ve ianao: Tsy nanao ratsy tamin'ny olona iray manana fahefana ianao, nefo tsy mitsahatra ny mila vaniny aminao izy? Nanaja an'i Saoly foana i Davida. Tamin'ny nahafatesan'i Saoly, dia tsy mba nifaly i Davida, fa nanao kosa izao hira fisaonana izao: "Saoly sy Jonatana, izay tiana sady mahate-ho-tia fony fahavelony, (...) faingana noho ny voromahery izy ary mahery noho ny liona. Ry zanakavavin'Israely, mitomania an'i Saoly." (2 Samoela 1:23, 24). Izany ka ohatra tsara dia tsara ny amin'ny fanajana tamim-pahatsorana ny voahosotri Jehovah, na dia nasian'i Saoly ratsy aza i Davida!

w12 15/4 10 § 8

**Famantarana ny Andro Farany ny hoe Hivadika ny Olona Maro**

<sup>8</sup> Misy tantaran'olona maro tsy nivadika koa anefa ao amin'ny Baiboly, fa roa no ho-dinihintsika. Ny tantaran'ny lehilahy iray tsy nivadika tamin'i Davida no hojerentsika

voalohany. Tsy iza izany fa i Jonatana, lahimatoan'i Saoly Mpanjaka. Izy no tokony handimby ny rainy, nefo i Davida no nodidin'i Jehovah ho mpanjaka. Tsy nialona anefa izy, fa nanaja ny safidin'i Jehovah. Lasa "niraikipo be tamin'i Davida" izy, ka nianiana fa tsy hivadika aminy. Nomeny an'i Davida mihitsy aza ny akanjony, ny sabany, ny tsipikany, ary ny fehikibony, mba ho fanomezam-boninahitra azy toy ny mpanjaka. (1 Sam. 18:1-4) Nanao izay rehetra azony natao i Jonatana mba hanohanana an'i Davida. Nanao vivery ny ainy mihitsy aza izy, ka niaro an'i Davida tamin'i Saoly. Tsy nivadika tamin'i Davida izy, ka nilaza hoe: "Ianao no ho mpanjakan'ny Israely, ary izaho no hanarakaraka anao." (1 Sam. 20:30-34; 23:16, 17) Tsy mahagaga ary raha nanao hira fisaonana i Davida rehefa maty i Jonatana, mba hampisehoany fa tia sy nalahelo an'io zanaky ny mpanjaka io izy. —2 Sam. 1:17, 26.

### Vatosoa Ara-panahy

**it "Rahalahy, Anadahy" § 3**

**Rahalahy, Anadahy**

Atao hoe 'mpirahalahy' koa ny olona mitovy tanjona sy fikasana. Niantso an'i Soloma Mpanjaka hoe rahalahy, ohatra, i Hirama mpanjakan'i Tyro, satria nitovy saranga izy ireo sady samy mpanjaka. Tsy izay fotosiny anefa fa angamba koa izy ireo samy te hanangona izay nilaina hanamboarana ny tempoly, na hazo izany na zavatra hafa. (1Mp 9:13; 5:1-12) Hoy i Davida: "Tsara sy mahafinaritra erè rehefa miara-monina amim-piraisan-tsaina ny mpirahalahy!" (Sl 133:1) Hita amin'izany fa tsy ny ra iraisana fotosiny no mahatonga ny mpirahalahy iray tam-po hihavana sy hiray saina. Niantso an'i Jonatana hoe rahalahy, ohatra, i Davida satria nifankatia sy nifampiahay izy ireo fa tsy hoe mpihavana akaiky. (2Sa 1:26) Mety tsara

raha antsoina hoe mpirahalahy ny mpinama-na mitovy toeatra, na dia ratsy aza izany toeatra izany.—Oh 18:9.

## 23-29 MEY

### HARENA AVY AO AMIN'NY TENIN'ANDRI-AMANITRA | 2 SAMOELA 4-6

#### "Matahotra ve lanao sao Tsy Hampifaly An'i Jehovah?"

##### w05 15/5 17 § 7

#### Hevitra Misongadina ao Amin'ny Bokin'ny Samoela Faharoa

**6:1-7.** Tsy nanaraka ny didin'Andriamanitra i Davida, rehefa nitondra ny Fiara tamin'ny sarety. Tsy nahomby izy noho izany, na dia nanana fikasana tsara aza. (Eksodosy 25: 13, 14; Nomery 4:15, 19; 7:7-9) Tsy mampiova ny zavatra takin'Andriamanitra koa ny fananana fikasana tsara. Hita izany tamin'ny nihazonan'i Oza an'ilay Fiara.

##### w05 1/2 27 § 20

#### Manao ny Rariny Foana i Jehovah

<sup>20</sup> Tadidio fa tokony ho nahalala ny Lalàna i Oza. Porofon'ny fanatrehan'i Jehovah ny fiaran'ny fanekeena. Voalaza mazava tsara tao amin'ny Lalàna, fa ny olona mahazo alalana ihany no afaka mikasika azy io, ary ho faty izay mandika izany. (Nomery 4:18-20; 7:89) Tsy tokony ho natao kitoatoa àry ny famindrana io vata masina io. Toa Levita i Oza, na dia tsy mpisorona aza, ka tokony ho nahalala tsara ny Lalàna. Nafindra sy narovana tao an-tranon-drainy koa ilay Fiara, taona maromaro talohan'izay. (1 Samoela 6:20-7:1) Najanona tao nandritra ny 70 taona teo ho eo izy io, mandra-pahatongan'ny fotoana namindran'i Davida azy. Midika izany fa efa hatry ny mbola kely i Oza no nahalala ny lìana momba ilay Fiara.

##### w05 1/2 27 § 21

#### Manao ny Rariny Foana i Jehovah

<sup>21</sup> Hitantsika teo aloha fa mahay mamantatra ny ao am-po i Jehovah. Milaza ny Teniny fa nanao 'fahadisoana' i Oza. Efa nahatsikari-tra angamba i Jehovah fa nisy fitiavan-tena tao aminy, na dia tsy voatantara aza izany. Mety ho niana-kendry ve i Oza, ka tia nihoa-pefy? (Ohabolana 11:2) Sa ve lasa nieboebo izy, satria nitarika ampahibemaso ilay Fiara, izay narovan'ny fianakaviany tany an-trano-ny? (Ohabolana 8:13) Tsy nanam-pinoana ve izy, ary nieritreritra fa fohy loatra ny tanan'i Jehovah, ka tsy hahavita hiaro ilay vata masina, izay porofon'ny fanatrehany? Na ahoana na ahoana, dia afaka matoky isika fa nanao ny rariny i Jehovah. Azo inoana fa nahita zavatra tsy nety tao am-pon'i Oza izy, matoa nanasazy azy avy hatrany.—Ohabolana 21:2.

#### Vatosoa Ara-panahy

##### w96 1/4 29 § 1

#### Apetraho Amin'i Jehovah Mandrakariva ny Entanao

Tamin'ny naha-mpanjaka azy, dia nisy andrai-kitr'i Davida tamin'izany. Ny fihetsiny dia mampiseho fa na dia ireo izay manana fifandraisana tsara amin'i Jehovah aza dia mety tsy hanana fihetsika tsara indraindray eo anoloan'ny tarehin-javatra misedra. Tamin'ny voalohany, dia tezitra i Davida. Avy eo izy dia nanjary natahotra. (2 Samoela 6:8, 9). Not-sapaina mafy ny fifandraisana feno fitokiana nananany tamin'i Jehovah. Teto, dia tarehin-javatra iray izay toa tsy nametrahany ny entany tamin'i Jehovah, rehefa tsy nana-raka ny didiny izy. Mety ho toy izany ve ny tarehin-javatra misy antsika indraindray? Efa mba nanome tsiny an'i Jehovah ve isika noho ny zava-manahirana izay vokatry ny tsy firaharahantsika ny toromarika nomeny? —Ohabolana 19:3.

## 30 MEY-5 JONA

### HARENA AVY AO AMIN'NY TENIN'ANDRIAMANITRA | 2 SAMOELA 7-8

#### "Nanao Fifanekena Tamin'i Davida i Jehovah"

w10 1/4 20 § 3

#### 'Tsy Hihozongozona ny Fanjakanao'

Nanohina ny fon'i Jehovah izany fanirian'i Davida izany. Noho ny fitiavan'i Davida an'Andriamanitra sy noho ny faminaniana voalaza taloha, dia nanao fifanekena tamin'y Andriamanitra hoe hanjaka mandrakizay ny iray amin'ny taranany. Hoy izy tamin'ny alalan'i Natana: "Tsy hihozongozona eo anatrehanao mandritra ny fotoana tsy voafetra ny taranakao sy ny fanjakanao. Ary ho mafy orina mandritra ny fotoana tsy voafetra ny seza fiandriananao." (Andinin'y 16) Iza àry ilay voalaza ao amin'ny fifanekena hoe hanjaka mandrakizay?—Salamo 89:20, 29, 34-36.

w10 1/4 20 § 4

#### 'Tsy Hihozongozona ny Fanjakanao'

Taranak'i Davida i Jesosy avy any Nazareta. Hoy ny anjely iray, rehefa nampandre ny nahaterahany: "I Jehovah Andriamanitra hanome azy ny seza fiandrianan'i Davida rai-ny. Ary ho mpanjaka eo amin'ny taranak'i Jakoba mandrakizay izy, ary tsy hifara na mihitsy ny fanjakany." (Lioka 1:32, 33) Tanteraka tamin'i Jesosy Kristy àry ilay fifanekena nataon'Andriamanitra tamin'i Davida. Tsy safidin'olombelona no nahatonga azy ho mpitondra fa noho ny fampanantenan'Andriamanitra. Manana zo hitondra mandrakizay izy vokatr'izany. Tadidio fa tanteraka foana izay rehetra ampanantenain'Andriamanitra.—Isaia 55:10, 11.

w14 15/10 10 § 14

#### Ataovy Mafy Orina ny Finoanao An'ilay Fanjakana

<sup>14</sup> Diniho ny zavatra nampanantenain'i Jehovah an'i Davida mpanjakan'ny Israely, ao amin'ilay *fifanekena tamin'i Davida*. (Vakio ny 2 Samoela 7:12, 16.) Tamin'i Davida nanjaka tao Jerosalema i Jehovah no nanao an'io fifanekena io. Nampanantena izy tamin'izay fa ho avy amin'ny taranak'i Davida ny Mesia, ka lasa niharihary kokoa ny firazanan'ilay taranaka. (Lioka 1:30-33) Nolazain'i Jehovah fa 'hanan-jo ara-dalàna' ho Mpanjakan'ny Fanjakan'ny Mesia ny iray amin'ny taranak'i Davida. (Ezek. 21:25-27) I Jesosy io taranany io. "Haharitra mandritra ny fotoana tsy voafetra" izy, ary 'haharitra toy ny masoandro ny seza fiandrianany.' Noho izany, dia "ho mafy orina mandritra ny fotoana tsy voafetra" ny fanjakan'i Davida. (Sal. 89:34-37) Tsy ho lasa ratsy mihitsy àry ny fitondran'ny Mesia, ary haharitra mandrakizay ny soa entiny.

#### Vatosoa Ara-panahy

it "Andro Farany": "Faminanian'i Balama" § 1

#### Andro Farany

**Faminanian'i Balama.** Hoy i Balama mpaninany tamin'i Balaka mpanjakan'i Moaba, talohan'ny nidiran'ny Israelita tao amin'ny Tany Nampanantenaina: "Avia ianao hilazako izay hataon'io firenena [Israely] io amin'ny fireneno any am-parany any. ... Hisy kintana hivoaka avy amin'i Jakoba, ary hisy tehim-panjakana hipoitra avy amin'ny Israely. Hovakiny ny fihirifan'i Moaba, sy ny karandohan'ny zanak'ireo tia ady." (No 24:14-17) I Davida Mpanjaka ilay "kintana" satria resiny ny Moabita. (2Sa 8:2) Nanomboka àry ilay

hoe “any am-parany any” rehefa lasa mpanjaka i Davida. Mifanitsy amin’i Davida anefa ilay Mesia Mpanjaka, ka ho tanteraka amin’i Jesosy koa io faminaniana io rehefa handresy ny fahavalony izy.—Is 9:7; SI 2:8, 9.

## 6-12 JONA

### HARENA AVY AO AMIN’NY TENIN’ANDRIAMANITRA | 2 SAMOELA 9-10

#### “Be Fitiavana i Davida Sady Tsy Nivadika”

w06 15/6 14 § 6

#### Afaka ny ho Sambatra lanao

Hoy koa i Davida: “Sambatra izay mahatsiaro ny malahelo; Jehovah hamonjy azy amin’ny andro fahoriana. Jehovah hitandrina azy sy hiaro azy tsy ho faty; hatao ho sambatra” izy. (Salamo 41:1, 2) Niahya tamim-pitiavana an’i Mefiboseta kilemaina, zanak’i Jonatana, i Davida. Anisan’ny fomba tsara itondrana ny malahelo izany.—2 Samoela 9:1-13.

w05 15/5 17 § 11

#### Hevitra Misongadina ao Amin’ny Bokin’ny Samoela Faharoa

**9:1, 6, 7.** Nanatanteraka ny fampanantenany i Davida. Tokony hiezaka hanatanteraka ny fampanantenantsika koa isika.

w02 15/2 14 § 10

#### Niaritra Tsilo Tamin’ny Nofony Izy Ireo

<sup>10</sup> Niantra an’i Mefiboseta i Davida Mpanjaka, taona vitsivitsy tat� aoriania, noho ny fitiavany lalina an’i Jonatana. Nomeny an’i Mefiboseta ny tanin’i Saoly rehetra, ary notendreny hikarakara an’io tany io i Ziba, mpanompon’i Saoly. Nilaza toy izao tamin’i Mefiboseta koa i Davida: “Hihinana eo amin’ny latabatro mandrakariva” lanao. (2 Samoela 9:6-10) Azo antoka fa sady nampionona

an’i Mefiboseta ny fiantran’i Davida no nana-maivana ny fahoriana nateraky ny kilemany. Lesona faran’izay tsara izany! Tokony ho tsara fanahy amin’ny olona miaritra tsilo amin’ny nofo koa isika.

## Vatosoa Ara-panahy

*it “Volombava” § 2*

#### Volombava

Tia nanisy volombava ny Israelita sy ny Tatsinanana maro hafa fahiny, satria porofo izany fa nanan-kaja ny lehilahy iray. Tsy azon’ny Israelita nohetezana fohy loatra ny ‘volony, avy teo amin’ny fihirifana iray mihodidina nankany amin’ny fihirifana iray’, sy ny sisin’ny volombavany. (Le 19:27; 21:5) Fanaon’ny mpanompo sampy sasany mantsy izany.

## 13-19 JONA

### HARENA AVY AO AMIN’NY TENIN’ANDRIAMANITRA | 2 SAMOELA 11-12

#### “Aza Manaiky ho Resin’ny Fanirian-dratsy”

w21.06 17 § 10

#### Tsy Voatery ho Voafandrik’i Satana lanao!

<sup>10</sup> Afaka mandray lesona avy amin’i Davida Mpanjaka koa isika. Efa nomen’i Jehovah fitahiana be dia be izy, ohatra hoe harena sy toerana ambony ary nataony nandresy fahavaloo maro. Tena nankasitraka an’i Jehovah izy, ary niaiky hoe “maro loatra” ny soa nataony ho azy ka “tsy ho voatanisa.” (Sal. 40:5) Nisy fotoana anefa izy lasa nanana faniriana tsy mety afa-po. Inona no vokatr’izany? Hadinony izay efa nomen’i Jehovah azy. Tsy afa-po tamin’izay nananany intsony izy. Efa nanana vady be dia be i Davida, nefambla nitsiriritra vadiv’olona ihany. I Batseba no anaran’ilay vehivavy ary i Oria Hetita

no vadiny. Tia tena i Davida ka nanao firaiana tamin'i Batseba dia nahabevohoka azy. Tsy vitan'izay fa mbola nataony koa izay hamonoana an'i Oria. (2 Sam. 11:2-15) Fa inona no tao an-tsain'i Davida? Nieritreritra ve izy hoe tsy ho hitan'i Jehovah? Marina fa tsy nivadika nandritra ny taona maro izy. Lasa nanana faniriana tsy mety afa-po anefa izy, ary novidiny lafo izany. Soa ihany fa nanaiky ny fahadisoany izy tat� aoriana dia nibebaka. Tena faly izy hoe namela ny helony i Jehovah. —2 Sam. 12:7-13.

### w19.09 17 § 15

#### Eko An-tsitraro ny Fahefan'i Jehovah

<sup>15</sup> Tsy notendren'i Jehovah hiandraikitra ny fianakaviany fotsiny i Davida, fa hiandraikitra ny firenen'Israely mihitsy. Mpanjaka izy ka nanana fahefana be. Nisy fotoana izy nanampatra fahefana, dia lasa nanao fahotana lehibe. (2 Sam. 11:14, 15) Navelany hanitsy azy anefa i Jehovah, ka hita hoe nanaiky ny fahefany izy. Naborany tamin'i Jehovah izay tao am-pony, sady nanao izay fara heriny izy mba hankatoavana azy. (Sal. 51:1-4) Tsy izay ihany fa tena nanetry tena izy ka nanaiky torohevitra, na dia vehivavy aza no nanome an'izany. (1 Sam. 19:11, 12; 25:32, 33) Nandray lesona avy tamin'ny fahadisoana nataony i Davida, ary nifantoka tamin'ny fonompoana an'i Jehovah.

### w18.06 17 § 7

#### Ampiasao Hampiofanana ny Feon'ny Fieritreretanao ny Toro Lalan'i Jehovah

7 Tsy voatery hoe mandika ny lalān'Andriamanitra sy mizaka ny vokatr'izany isika vao hahalala hoe inona no tsara na ratsy. Afaka mianatra avy amin'ny fahadisoana nataon'ireo olona resahin'ny Baiboly isika. Hoy ny Ohabolana 1:5: "Hihaino ny hendry ka hitombo ny zavatra fantany." Ny zavatra

ampahafantararin'i Jehovah no tsara indrindra. Avy aminy, ohatra, ireo tantara tena nisy ao amin'ny Baiboly, ka hitombo ny zavatra fantatsika raha mamaky sy misaintsaina azy ireny isika. Anisan'izany ny tantaran'i Davida Mpanjaka. Nijaly izy rehefa tsy nankatò an'i Jehovah fa nijangajanga tamin'i Batseba. (2 Sam. 12:7-14) Diniho izao rehefa mamaky sy misaintsaina an'io tantara io ianao: 'Inona no azon'i Davida natao mba hisorohana an'izany fijaliana izany? Ahoana raha izaho no tratran'ny fakam-panahy hoatr'izany? Hittoaka hoatran'i Josefa ve aho sa hanaiky ho resy hoatran'i Davida?' (Gen. 39:11-15) Ho tapa-kevitra kokoa 'hankahala ny ratsy' isika raha misaintsaina ny voka-dratsin'ny fahotana.

#### Vatosoa Ara-panahy

*it “Davida”: “Nanota ary nizaka ny vokany” § 2*

#### Davida

I Jehovah kosa njery tsara an'izany ratsy rehetra izany, ary nabaribariny ilay izy. Raha mpitsara olombelona no navelany hitsara an'i Davida sy Batseba araka ny Lalān'i Mosesy, dia ho efa novonoina ho faty izy ireo, ary ho niara-maty tamin-dreniny ilay zaza azo tamin'ny fijangajangana. (De 5:18; 22:22) I Jehovah mihitsy anefa no nitsara an'ilay raha haraha, ka namindra fo tamin'i Davida izy, satria: 1) Efa nanao fifanekena momba ilay Fanjakana taminy izy (2Sa 7:11-16); 2) azo inoana fa noho izy efa mba namindra fo tamin'ny hafa (1Sa 24:4-7; ampit. Jk 2:13); ary 3) hitan'Andriamanitra fa nibebaka izy sy Battseba. (SI 51:1-4) Nosazina ihany izy ireo, na izany aza. Nasain'i Jehovah nilaza toy izao tamin'i Davida i Natana mpaminany: "Hampipoitra loza avy ao amin'ny ankohonanao aho, mba hamelezana anao."—2Sa 12:1-12.

## 20-26 JONA

### HARENA AVY AO AMIN'NY TENIN'ANDRIAMANITRA | 2 SAMOELA 13-14

#### "Tia Tena i Amnona dia Loza ny Vokany"

##### it "Absaloma": "Novonoina i Amnona" § 1 Absaloma

**Novonoina i Amnona.** Zokin'i Absaloma hafa reny i Amnona. Raiki-pitia tamin'i Tamara anabavin'i Absaloma izy, satria tsara tarehy i Tamara. Mody narary i Amnona ary nanao te-tika mba hankanesan'i Tamara tany amin'ny efitranony ka hanao mofa ho azy. Naolan'i Amnona i Tamara avy eo. Te hanao firaisansa fotsiny anefa izy fa tsy hoe tena tia azy. Nanjary tena halany àry i Tamara avy eo, ary noroahiny. Lasa i Tamara sady nandrovitra an'ilay akanjo lava nitsipitsipika nanaovany sy nahafantarana azy ho virjiny zanakavavin'ny mpanjaka. Nasainy lavenona koa ny lohany. Nifanena taminy i Absaloma, ary tonga dia fantatr'i Absaloma izay nitranga ka niahiahy an'i Amnona izy. Hita amin'izany fa efa fantapantany ny faniriana mafy nananan'i Amnona rahalahiny. Nilaza tamin'i Tamara anabaviny anefa izy mba tsy hiampanga an'i Amnona. Nasainy nipetraka tao aminy i Tamara.—2Sa 13:1-20.

##### w17.09 5 § 11

##### Miezaha Hifehy Tena

<sup>11</sup> Miresaka olona tsy nahavita nifehy ny faniriany hanao firaisansa koa ny Baiboly. Anisan'izany ilay tovolahy tsy misaina resahin'ny Ohabolana toko faha-7 sy Amnona. Nisy vokany tena ratsy ny nataon'izy ireo. (2 Sam. 13:1, 2, 10-15, 28-32) Raha hoatran'ny nanjo an'i Kim àry ny manjo anao, dia eritrereto ireo ohatra ireo. Azon'ny ray aman-dreny ampiasaina tsara ireo, mba hanampiana ny zanany hanana fahendrena sy hahay hifehy tena eo

amin'ny resaka fitiavana. Azo atao, ohatra, ny mandinika an'ireo mandritra ny Fotoam-pivavahan'ny Fianakaviana.

##### it "Absaloma": "Novonoina i Amnona" § 4 Absaloma

Tonga ny fotoana fanetezana ondry, roa tao-na taorian'izay. Fety be izany! Nanao fety àry i Absaloma tany Bala-hazora, 22 km teo ho eo, tany avaratra avaratratsinan'an'i Jerosalema. Nasainy ny zanaky ny mpanjaka ary Davida mpanjaka koa. Tsy nety nandeha anefa i Davida rainy, ka niangavy azy mafy i Absaloma mba handefa an'i Amnona lahimatoany ho solony. (Oh 10:18) Hoy i Absaloma tamin'ny mpanompony, tany amin'ilay fety: 'Raha vao falifaly noho ny divay ny fon'i Amnona, dia vonoy ho faty izy.' Rehefa maty i Amnona, dia niverina tany Jerosalema ireo zanakalahin'ny mpanjaka, fa i Absaloma kosa nitsoaka tany amin'ny dadaben syrianina, tany Ge-sora tany atsinanan'ny Ranomasin'i Galilia. (2Sa 13:23-38) Namely 'ny ankohonan'i Davida' "ny sabatra" nanomboka teo, araka ny efa nambaran'i Natana mpaminany, ary tsy nitsa-hatra izany mandra-pahafatin'i Davida.—2Sa 12:10.

##### Vatosoa Ara-panahy

##### w08 15/11 5 § 3

Ilaina koa ny mianatra ny tantaran'ireo olona ao amin'ny Baiboly, sy mandinika ny toetra tsarany sy ny toetra ratsiny. Diniho, ohatra, i Josefa, zanak'i Jakoba. Niezaka ny ho tsara toetra sy tsy ho mora kivy izy, na dia niharan'ny tsy rariny aza. Tsara tarehy teo imason'i Jehovah izy, noho izany. (Gen. 45:1-15) Tsy toy izany kosa i Absaloma, zanak'i Davida Mpanjaka. Tsara tarehy izy ka nodokafan'ny olona, ary mody niahay ny vahoaka. Mpamadika sy mpamono olona anefa izy, raha ny

marina. (2 Sam. 13:28, 29; 14:25; 15:1-12) Tsy manintona àry ny olona iray na dia tsara tarehy aza, raha mihatsaravelatsihy.

## 27 JONA-3 JOLAY

### HARENA AVY AO AMIN'NY TENIN'ANDRIAMANITRA | 2 SAMOELA 15-17

#### "Nikomy i Absaloma Satria Nanambony Tena"

##### *it "Mpialoha Lalana" § 2 Mpialoha Lalana*

Nisy mpihazakazaka teo alohan'ny kalesin'ny mpanjaka tatsinanana, mba hanomana sy hanambara ny fahatongavany ary hanampy azy. (1Sa 8:11) Naka tahaka an'io fanao io i Absaloma sy Adonia, ka samy nanana mpihazakazaka 50 nandeha teo alohan'ny kalesiny. Tian'izy ireo haseho hoe olo-manan-kaja izy ireo ary ara-dalàna ny fikomiany.—2Sa 15:1; 1Mp 1:5; jereo MPIHAZAKAZAKA.

##### w12 15/7 13 § 5

#### Manompoa An'ilay Andriamanitra Manome Fahafahana

<sup>5</sup> Miresaka olona maro nitaona ny hafa hanao ratsy ny Baiboly. Anisan'izany i Absaloma, zanak'i Davida Mpanjaka. Tena tsara tarehy izy, nefá nanana toe-tsaina ratsy toa an'i Satana. Nitsiriritra ny seza fiandrianan'ny rainy izy, na dia tsy nanan-jo ho mpanjaka aza. Navelany hameno ny fony izany faniriana izany, ka nanao tetika izy hahazoana ny fanjakana. Niseho ho tena niahy ny vahoaka izy, sady nilaza fa tsy miraharaha azy ireo ny mpanjaka. Mitovy amin'ny nataon'ny Devoly tao Edena mihitsy ny nataony. Niseho ho mpanao soa i Absaloma, sady nanaratsy ny rainy. —2 Sam. 15:1-5.

#### *it "Hebrona" § 8*

#### Hebrona

Niverina tany Hebrona i Absaloma zanak'i Davida rehefa afaka taona maromaro, ary nikotrika fikomiana mba handrombahana ny fanjakan-drainy, saingy tsy nahomby. (2Sa 15:7-10) Nifidy an'i Hebrona ho toerana hanombohana ny fanonganam-panjakana i Absaloma, angamba noho izy io renivohitr'i Joda taloha, na noho izy io tanàna nahaterahany. Tatè aoriana, dia nanorina an'i Hebrona indray i Rehoboama Mpanjaka, zafikelin'i Davida. (2Ta 11:5-10) Nonina indray tao Hebrona (Kiriata-arba) ny Jiosy sasany avy tany an-tesitany, rehefa avy navelan'ny Babylonianina ho lao ela ny tanin'i Joda.—Ne 11:25.

#### Vatosoa Ara-panahy

##### w18.08 6 § 11

#### Mba Manadihady Tsara ve Ianao?

<sup>11</sup> Mety hisy olona hanely resaka momba antsika koa, nefá ny ampahany amin'ilay izy ihany no marina, na ny zava-misy sasany ihanany no resahiny. Mety hiharan'ny tsy rariny isika vokatr'izany. Izany no nanjo an'i Mefiboseta, zafikelin'i Saoly. Tsara fanahy taminy i Davida Mpanjaka, ka nomeny azy daholo ny tanin'i Saoly. (2 Sam. 9:6, 7) Nisy olona nanaratsy an'i Mefiboseta tany amin'i Davida anefa tatè aoriana, dia tonga dia nomeny an'ilay olona ny fananan'i Mefiboseta rehetra. Tsy nohamarininy akory hoe marina ve sa tsia ilay zavatra henony. (2 Sam. 16:1-4) Rehefa tafaresaka tamin'i Mefiboseta anefa i Davida, dia tonga saina hoe diso izy ka naveriny taminy ny ampahany tamin'ny fananany. (2 Sam. 19:24-29) Tsy ho nisy izany tsy rariny izany, raha nanadihady ny tena zava-misy i Davida fa tsy maimaika nanapa-kevitra.